


日本漢文學百家集

王焱 編

333



北京燕山出版社



王焱 主編

日本漢文學百家集
333



北京燕山出版社


第三三三册

端山先生遺書 八卷 楠本端山著 明治三十六年

.....
一

端山先生遺書

元



明治維新秘刊

德



高

学

明

明治癸卯秋
從二位 詮顯



墓碑

叔弟孚嘉撰

道之在方策流入東海千又餘年矣其間聞而知之者山崎闇齋先生一人而已先生傳之三宅尙齋尙齋傳之久米訂齋訂齋傳之宇井默齋默齋傳之干手廉齋廉齋傳之其子謙齋謙齋傳之月田蒙齋其授受之間皆出於親炙而卓然樹立與有聞焉則不可不謂之山崎氏之宗傳也而傳蒙齋之學者吾伯子端山先生蓋其人也先生諱後覺字伯曉橘姓楠本氏端山其號肥前國彼杵郡針尾村端山里人其先出自楠河州云祖宣惠君諱安長仕平戶藩松浦氏列騎士班考養齋君諱祇伴承家襲祿母中倉氏先生即其長子也先生天資純粹渾然夙成幼而威儀端莊不喜狎弄母夫人嘗携入戲場先生掩面不視甫十餘歲就鄉師授句讀旣而忽有所省自此業日進鄉師

辭以不能教遊平戶入藩學俗非其土人呼爲田舍兒輕侮殊甚至先生則不敢然也嘉永三年庚戌十一月養齋君致仕先生襲祿四年辛亥遊江戶受業於佐藤一齋先生之門六年癸丑春西歸補藩學教員兼侍講是歲墨夷來浦賀港海防議起先生著芻蕘巷議及杞憂臆言其意以正君心擇輔弼整紀綱固民心崇國體爲主安政元年甲寅先生竊憂藩學不振侍講亦不過爲一文具數與同僚論之不合退謂君子幾不如舍往吝逢稱疾不出時葉山鎧軒參藩政執文柄其待先生甚篤困屢寄書懇切請起大橋訥菴亦以或失子々爲言先生不得已而復出矣十月丁外艱喪葬用朱子家禮遂請解官致祿以行三年之喪不許進助教乾齋老公使先生陳其行三年之喪之說乃錄上老公歎曰孝道至誠甚可感矣遂命持心喪辭助教

服闋經營祠堂安置四世神主文久二年壬戌正月特命講經
除近侍著立志說上之又上主敬說三年癸亥藩主在江戶先
生著藩祖肥州公傳述其勤王之事上之是時幕府私通外夷
不奉朝旨故先生首唱尊王之大義激勵一藩人士欲以使決
其向背也既而又上讀書窮理說進大小姓班助教兼侍講委
任學政於是教官各得其人濟々如也元治元年甲子六月有
命言事先生極陳尊攘之說繼又建白時務其大要在開言路
舉賢才去宿弊秋又求直言遂陳十事一曰教化二曰農本三
曰賞罰四曰補弼五曰財用六曰山澤七曰刑獄八曰將帥九
曰軍費十曰改革二年丙寅又求直言因上封事謂察世變在
理勢之二而國家急務不過教養之道其言頗指斥時事進中
老嫡子格准小納戶頭助教侍講如故慶應三年丁卯幕府將

開攝港互市薩藩主島津氏欲同我藩主上京論止其事使大
久保利通言之因命諸臣以決可否先生以爲不待朝命私離
邦域以廢藩屏之職不可一也結黨與于朝政不可二也薩藩
主權變尙功利不可共成大事不可三也王命不行列藩異見
若不慎舉動必招後患不可四也幕府雖已衰然尙握與奪之
權未易輕侮不可五也是冬 今上踐阼乃召列藩々主入朝
先生從焉明治元年戊辰正月舩抵浪華時德川氏解將軍職
在大坂城諸從兵向京師薩長諸藩拒之伏水鳥羽道路戒嚴
進退太艱先生乃進言曰我之進退公明正大聽之於天焉耳
告德川氏直赴京師旣而西歸進者頭班奉行除教授因改功
令正釋菜依朱子滄洲之儀行之以朱子配享焉至是舊弊盡
革學政一新闔藩人士莫不嚮往焉蓋自有我藩以來未有如

此之盛也二年己巳正月進大者頭奉行教授如故九月除參政十一月加賜秩祿任權少參事十二月進權大參事三年庚午改正藩制除免一步米增高米等數千石四年辛未正月命赴東京七月藩廢先生西歸後雖尙列縣官多有所施爲然不能大用無幾罷免於是家居授徒不復出仕矣先生之於藩主誠意以動之善說以道之故其所上書及面陳者未嘗不一々嘉納也但至其論天下事則一不行也識者惜焉雖然異日有覩其上三條岩倉島津諸公及與西鄉大久保兩參議之書者必知使先生立廟堂之上大行其志則其效果非淺鮮也先生初務博覽每購一書無不通讀至諸末疏亦然嘗獲周易折中詩書春秋傳說彙纂亦必次第卒業而後已其在東也訪大橋訥菴聞其講論嘆曰不遭此人則殆虛過一生又得源義卿川

田履道新宮士敬諸友相共切磋於是奮勵勇猛一往不返一夜靜坐忽悟滿腔子惻隱之心從此痛絕舊習自號悔堂時訥菴之學入出於高劉之間猶有未脫姚江之藩籬者先生歸後愈用力於靜中依高景逸復七規行之最後就程朱書反覆精究大有所見乃棄異學醇如也訥菴亦脫然一變每有書問無不以程朱爲言既而得闇齋先生及淺見佐藤三宅諸老書讀之又與蒙齋往復辨論益信程朱之篤不少疑也蒙齋遂囑以謙齋遺書其意猶謙齋之於蒙齋以爲斯道之傳在先生矣蒙齋嘗曰先生靜坐中見線香燼處每墜於爐中一々如有所感於胸中因悟天地萬物元吾一體者有此機活吾信其見道之真切也若強未有所得然嘗坐堂簾敞庭前生茅因悟昨日生一葉今日生一葉葉々生而復生是有無聲無臭之本體而生